







麥門冬  
珍珠蘭  
杜蘭  
箬蘭  
吉祥蘭



庶物類纂花屬卷之五十八目次  
獨頭蘭

風蘭

無物頤慕

卷之二

花屬

獨頭蘭

一

獨頭蘭

一名弱腳蘭

金漳  
蘭譜

一名獻歲正

蘭  
譜

一名草蘭

重修靖江縣志

一名報春先

物理  
小識

俗名復骨里

獨頭蘭

弱腳色綠花大如鷹爪一幹一花比葉高二寸葉  
瘦高三寸入臘方花香馥可愛外有雲嶠朱花青

蒲玉小娘之類

明王蓋臣二  
如亭羣芳譜

弱腳只是獨頭蘭色綠花大如鷹爪一幹一花高二

三寸葉瘦長二寸入臘方花薰馥可愛而香有餘

宋趙時庚

金漳蘭譜

獨頭蘭色綠一花大如鷹爪幹高二寸葉類麥門冬  
入臘方薰馥可愛建浙間謂之獻歲正一幹一花而

無物頤馨

卷五十一

花屬

獨頭蘭

二

香有餘者山鄉有之間有雙頭涪翁以一幹一花而  
香有餘者蘭也

宋王貴學蘭譜

一莖一花者曰蘭宜興山中特多南京杭州俱有雖  
不足貴香自可愛宜多種盆中今人絕重建蘭卻只  
是蕙見古人畫蘭殊不爾虎丘戈生曾致一盆葉稀  
而長稍粗於興蘭出數蕊正春初開花特大於常蘭  
香亦倍之經月不凋酷似馬遠所畫戈云得之他方  
今尚活時花廣求此種以備春蘭之絕品

明王敬美學圃雜疏

草蘭春花建蘭秋花建種吳中珍之江縣志

報春先一幹止一花臘底發箭清皖桐方氏

風蘭

一名乾蘭

致富全書

一名弔蘭

同上

一名挂蘭

遵生八牋

三才圖會

一名鳥銜蘭

泉州府志

一名見風

一名仙草

寧波府志

一名長生草

天台山方外志

一名仙人指甲

一名縣蘭

虞圃集

一名掛蘭

通雅

一名不死

風蘭

風蘭溫台山陰谷中懸根而生幹短勁花黃白似蘭而細不用土栽取大窠者盛以竹籃或束以婦人頭髻銅鐵絲頭髮襯之懸見天不見日處朝夕噀以冷水清水或時取下水中浸溼又挂至春底自花卽不開花而隨風飄揚冬夏長青可稱仙草亦奇品也最怕煙燼一云此蘭能催生將產掛房中最妙明王蓋臣二如

芳譜  
亭羣

風蘭種小似蘭枝幹短而勁不用砂土取竹籃貯之

無物須慕

卷五十一

花屬 風蘭

二

懸於有露處，朝夕灑水，欲花茂，則以亂髮襯之。此蘭能催生，婦人分襯掛之，房櫳爲妙。同上

風蘭似蘭而小，其枝幹短而勁，類瓦花，不用砂土，惟以小索懸於簷下，無日有露之處。三四月中開，小白花，夜嗅之極香，將萎轉黃色，黃白相間，如老翁鬚。或以冷茶沃之，或云以婦人敝髻鐵胎盛其根，而以頭髮襯之，則茂盛。雁山志云：土人謂之乾蘭。今人家謂之弔蘭。明周文華致富全書

挂蘭產浙之溫台山中，巖壑深處，懸根而生，故人取

之以竹爲絡，挂之樹底，不土而生，花微黃，肖蘭而細，不可缺水，時當取下水中浸溼，又挂，亦奇種也。閩粵十種  
紅花黃邊紫粉心者美  
甚○明高濂遵生八牋

風蘭種小，似蘭，枝幹短而勁，類瓦花，不用砂土，取竹籃盛貯，其大窠懸於有露無日之處。朝夕灑水，三月中旬開，小白花，將萎轉黃色，黃白相間，如老翁鬚。或云宜以冷茶沃之，或云用婦人髻鐵絲盛之，而以頭髮襯之，則花茂。又云此蘭能催生，將分婉掛房，爲妙。

明王仲遵  
花史左編

無物頤纂

卷五十一

花屬 風蘭

三

挂蘭浙之溫台山中巖壑深處懸根而生故人取之以竹爲絡挂之樹底不土而生花微黃肖蘭而細不可缺水或云宜以冷茶沃之

同上

挂蘭此花最怕煙燼

同上

挂蘭一名風蘭不土而生小籃貯挂樹上人稱仙草

細花微香

明王思義  
三才圖會

謹按潛確居類書同

風生草產於建寧府武夷山下根兩葉不依泥土縣之風中卽活

明唐士登  
文林廣記

弔蘭花葉皆蘭不假土壤懸置簷屋間足自生活泉郡志曰是鳥銜蘭花於樹上寄生者

漳州府志

風蘭寄生高樹根不麗土姪婦難產者懸之可以催生

福州府志

鳥銜蘭花於樹上寄生取而懸諸屋簷之下亦開花曰弔蘭不甚香若種之盆卽死

泉州府志

弔蘭花葉皆蘭裹而懸之不土自榮

汀州府志

挂蘭一名見風生

寧波府志

弔蘭花葉皆蘭拔裹而懸之不土自榮泉郡志曰是

閩書

長生草卽僊人指甲蘭素花多香生山巖及古樹中取而罕懸曝之以日經年不槁王右丞詩云老根那復古春色能住虛空自發生

天台山方外志

風蘭一名縣蘭

清吳甫虞圃集

掛蘭連根掛活一名不死草

清方以智通雅

風蘭幹短勁花黃白不用沙土取竹籃貯之懸于有露處或盛以敝髻用頭髮襯之

清石巖逸叟增定致富奇書

風蘭產自浙之溫台懸根而生本小而葉最短勁有

類瓦松不用砂土種植惟取小竹籃以婦人頭髮及銅鐵絲襯之貯其大窠懸於有露無日處每日灑水或冷茶澆或取下水中浸溼再挂夏初開小白花將萎時其色轉黃而香頗類乎蘭亦一小景中之奇者也但怕煙燼所觸

清陳淏子秘傳花鏡

吉祥蘭

一名吉祥草、水經

一名觀音草、天台山

方外志

吉祥蘭

吉祥草叢生、不拘水土石上俱可種、色長青、莖柔葉青綠色、花紫蓓結小紅子、然不易開、花候雨過、分其根種於陰崖處即活、惟得水爲佳、亦可登盆用以伴孤石靈芝、清雅之甚、堪作書窗佳玩、或云花開則有赦一花開則家有嘉慶事入以其名佳、多喜種之、或云吉祥草蒼翠若建蘭、不藉土而自活、涉冬不枯、杭人多植甕盎置几案間、今以土栽有岐枝者非是。

明王蓋臣二  
如亭羣芳譜

吉祥草似萱而小，四時蒼翠不凋。九月開小花，內白外紫，如瑞香。邵武志云：吉祥草生泉石中。馮志謂葉如鹿葥而小，然此草微有莖，葉皆附莖而生，非如鹿葥葉出於地也。考本草亦有此名，謂其味甘溫無毒。主明日強記補心力，生西國。胡人移來，第未知即是此否。西湖遊覽志云：吉祥草蒼翠如建蘭而無花。不藉土自活，涉冬不枯，性極喜溼。今人多植甃盆，置几案間，日無缺水，則葉茂色益鮮。栽不擇時，若亂植土中，不見其趣。王元章詩云：得名良不惡，瀟灑在山房。

生意無休息，存心固久長。風霜徒自老，蜂蝶爲誰忙。  
歲晚何人問，山空暮雨荒。

明周文華致富全書

諸天導引菩薩起行離樹三十步，天授吉祥草，菩薩受之復行十五步五百青雀飛來繞菩薩三匝而去。菩薩前到貝多樹下，數吉祥草東向而坐。

後魏酈道元水經注

吉祥草味甘溫無毒。主明日強記補心力，生西國。胡人將來也。

唐陳藏器本草拾遺

吉祥草今人種一種，草葉如漳蘭，四時青翠，夏開紫花，成穗易繁，亦名吉祥草，非此吉祥也。

明李東壁本草綱目

吉利草交廣俚俗多蓄蠱毒惟吉利草解之極驗其草莖似金釵股形類石斛根類芍藥疑卽今吳下吉祥草是也

明李東壁  
食物本草

謹按嵇含南方草木狀云吳黃武中江夏李侯以罪徙合浦初入境遇毒其奴吉利者偶得是草與侯服遂解吉利卽遁去不知所之侯因此濟人不知其數遂以吉利爲名此其草無名因吉利教服之有功故以教人爲名也然吉利吉祥要其字義意同故食物本草疑爲其一物也

吉祥草易生不拘水土中石上俱可種惟得水爲佳用以伴孤石靈芝清雅之甚花紫蓓生然不易發如家居種之有花似云吉祥

明高濂遵生八歲

吉祥草易生不拘水土中石上俱可種惟得水爲佳用以伴孤石靈芝清雅之甚花紫蓓生然不易開如家居種之有花似于吉祥耳或云吉祥草蒼翠若建蘭不藉土而自活涉冬不枯杭人多植瓷盆置几案

問花史左編

吉祥葉如萱而小四時葱翠不凋

八閩通志

本物類纂

卷五十一

花屬 吉祥蘭

四

珠蘭花白結綠珠，吉祥蘭花紫，皆異種。

福州府志

吉祥葉如萱而小，四時一色，生泉石中。山村人以挿瓶祀先，雖在陰宇，葱翠不凋。家有吉事，定自開花，故名吉祥。邵武天池山有之。佛書天授菩薩吉祥草，菩薩到，貝多樹下敷草，東向西坐，所從來遠矣。

閩書

吉祥草生泉石中。馮志謂葉如鹿葱而小，然此草微有莖，葉皆附莖而生，非如鹿葱葉出於地也。考本草亦有此名，謂其味甘溫無毒，主明目強記補心力，生西國，胡人將來第未知是此草否。郡中士夫家或取

栽盆石上，以供清玩。

邵武府志

吉祥草蒼翠如建蘭而無花，不藉土而自活。涉冬不枯，杭人多植瓮盎，置几案間。王元章詩云：得名良不惡，瀟灑在山房。生意無休息，存心固久長。風霜徒自老，蜂蝶爲誰忙。歲晚何人問，山空暮雨荒。

明田汝成西湖遊覽外志

餘志

觀音草生山巖中，以盆盛清水沙石植之，則青苔泥則萎。夏赤城詩云：西來小草異蒿蓬。天地生時別，有工怪見著根泥土上，只須水石養青蘚。

天台山西湖遊覽外志

吉祥草

家居植之葉如漳蘭四時青翠不凋夏開紫花成穗王元章詩云得名良不惡瀟灑在山房生意無休息存心固久長風霜徒自老蜂蝶爲誰忙歲晚

何人問山空暮雨荒清石巖逸叟增定致富奇書

吉祥草花紫可觀葉尖翠挿之花瓶中自能生根發

葉名花譜清沈賦

吉祥草叢生畏日葉似蘭而柔短四時青綠不凋夏開小花內白外紫成穗結小紅子但花不易發開則主喜凡候雨過分根種易活不拘水土中或石上俱

可栽性最喜溼得水卽生取伴孤石靈芝清供第一

清陳淏子  
秘傳花鏡

杜蘭

一名石斛

神農本草

一名林蘭

同上

一名禁生

名醫別錄

一名石遂

同上

一名金釵花

本草綱目

一名千年潤

物理小識

同上

一名長生草

杜蘭

石斛生六安山谷水傍石上今荆湖川廣州郡及溫  
台州亦有之以廣南者爲佳多在山谷中五月生苗  
莖似竹節節間出碎葉七月開花十月結實其根細  
長黃色七月八月採莖以桑灰湯沃之色如金陰乾  
用或云以酒洗將蒸炙一作元成不用灰湯其江南生  
者有二種似太麥纍纍相連頭生一葉名麥斛一種  
大如雀髀名雀髀斛惟生石上者勝亦有生櫟木上  
者名木斛不堪用

本草圖經

石斛細若小草長三四寸柔韌折之如肉而實今人多以木斛渾行醫工亦不能明辨世又謂之金釵石斛蓋後人取象而言之然甚不經將木斛折之中虛如禾草長尺餘但色淡黃光澤而已真石斛治胃中虛熱有功

宋寇宗奭本草衍義

石斛叢生石上其根糾結甚繁乾則白軟其莖葉生皆青色乾則黃色開紅花節上自生根鬚人亦折下以砂石栽之或以物盛挂屋下頻澆以水經年不死俗稱爲千年潤石斛短而中實木斛長而中虛甚易

分別處處有之以蜀中者爲勝

明李東壁本草綱目

別錄曰石斛生六安山谷水傍石上蘇氏曰今荆襄漢中江左廬州台州溫州諸處亦有近以溫台者爲貴謂其形似金釵之股端美可觀然氣味腐濁不若蜀產者氣味清疎形頗精潔更佳也蜀人呼爲金釵花今充貢者取川地者進之又按李氏曰叢生水旁石上其根糾結甚繁乾則白軟莖葉生皆青脆乾則黃韌五月生苗似竹節間出碎小葉七月開淡紅色花初冬結實節傍自生根鬚折之懸掛屋下時灌以

永經年不死此卽蜀中所產入藥最良再按蘇氏曰  
一種麥斛形似大麥累累相連頭生一葉而性多寒  
一種雀斛斛莖大如雀股葉在莖頭一種草斛若茅  
草長三四寸柔且韌折之如肉而實一種木斛中虛  
如木長尺餘色淡黃而光澤悞用損人元氣修治去  
根頭酒潤蒸之曬乾用惟入湯膏不入丸散以質性  
綿韌不能作末故也○倪朱謨曰石斛短而中實木  
斛長而中虛甚易分別明倪朱謨本草彙言

石斛出始興六安山傍石上或生木上謂之木斛不

甲用盛弘之荊州記云隋郡永王縣有瀧石山山上  
多石斛精好如金環宋姚寬西溪叢語

姚寬西溪叢語云石斛出始興六安山傍石上或生  
櫟樹上者謂之木斛虛長不堪入藥用精好如金色  
者佳凡用洗去土酒浸焙乾石斛有補脾清肺之功  
遺精白濁虛煩之要藥也明俞弁續醫說

金釵石斛一名長生艸開小白花甚香若根莖間纏  
以人髮鐵絲絡之縣風日中自生又挂蘭挂之亦生  
石崖千年松菊卷柏可紙收笥得水翁然皆長生艸

本經石長生丹沙艸葉似蕨而細如龍鬚黑如光漆  
冬不凋圖經紅茂艸名長生又通泉艸禿瘡花一名  
長生葉似地丁中抽莖白花摘下經年不槁滾山木  
石上生雲霧艸如琴絃亂絲無花葉有黑如髮者黃  
如金者○清曉桐方氏物理小識

箬蘭

一名白及神農本草一名甘根同上○李東壁曰吳普作白根一  
名連及草同上

## 箬蘭

箬蘭葉似箬，花紫，形似蘭，而無香，四月開，與石榴紅

同時大都產海島陰谷中，羊山馬跡諸山亦有，性喜

陰，春雨時種，明王蓋臣二

如亭羣芳譜

箬蘭其葉如箬，四月中開紫花，形如蘭，故名，然而不香，徒冒蘭之名耳，與石榴紅同時，娟娟可愛，以花開

時分，明周文華致富全書

白及生北山川谷，又寃句及越山，今江淮河陝漢黔諸州皆有之，生石山上，春生苗，長一尺許，似栟櫚及

黎蘆莖端生一臺葉兩指大青色夏開花紫七月結實至熟黃黑色至冬葉凋根似菱米有三角白色角端生芽二月七月採根今醫治金瘡不差及癰疽方中多用之

本草圖經

白及韓保昇所說形狀正是但一科止抽一莖開花長寸許紅紫色中心如舌其根如菱米有臍如鳩茈之臍又如扁扁螺旋紋性難乾

明李東壁本草綱目

白及性濤而收得秋金之令故能入肺止血生肌治瘡也按洪邁夷堅志云台州獄吏憫一大囚囚感之

因言吾七次犯死罪遭訊拷肺皆損傷至于嘔血人傳一方只用白及爲末米飲日服其效如神後其囚凌遲割者剖其胸見肺間竊穴數十處皆白及填補色猶不變也洪貴之聞其說赴任洋州一卒忽苦咯血甚危用此救之一日即止也摘玄云試血法吐在水盃內浮者肺血也沉者肝血也半浮半沉者心血也各隨所見以羊肺羊肝羊心煮熟蘸白及末一日食之

同上

台州獄吏憫一大囚將死頗照顧之囚感語之吾七

次犯死罪盡力抗諱苦遭訊考坐是肺皆挖損至於嘔血適得一藥每用其效如神荷君庇拊之恩持此以報只白及一味米飲調爾其後凌遲僧者割其膚見肺間竅穴數十處皆白及補填之色猶不變也洪貴之聞其說爲郢州長壽宰規之赴洋川任一卒忽苦咯血勢絕危貴之用此救之一日即止癸志○宋張杲醫說箬蘭其葉如箬四月中開紫花形似蘭不香與石榴紅同時以開大都產海島陰谷中羊山馬迹諸山亦

有

明王仲遵  
花史左編

白及土人多用研硃萬曆杭  
白及花紫根形似菱節間有毛雷州府志  
白及花名箬蘭貴重可喜清郭佩蘭  
箬蘭其葉如箬似蘭無香清石巖逸叟增定致富奇書  
箬蘭其葉如箬四月中開紫花形似蘭不香而色可愛大都產陰谷中羊山馬跡諸山多有之清沈賦名花譜  
箬蘭亦名朱蘭實非蘭也因其花形似蘭葉短闊似箬色如渥丹故有是名毫無香氣徒冒芳名乃粵種也今杭紹亦有之後歐蘭而發盆玩中亦不可無此

點綴分種卽在花開春雨時性喜陰溼清陳淏子

秘傳花鏡

別錄曰白及出北山山谷及寃句越山蘇氏曰今江淮河陝漢黔諸州亦有之生石山上春生苗長尺許葉如初生櫻苗及藜蘆兩指許大色青翠夏月葉中抽條開紫色花酷似草蘭卽箬蘭也八月結實黃黑色根色白相連似水菱有三角下有臍又有螺旋紋角頭生芽節間有毛方用甚少質極黏膩可以作糊

明倪朱謨

本草彙言

麥門冬

一名羊韭名醫別錄一名愛韭同上一名馬韭同上

草綱目作烏韭一名羊蓍同上一名禹蕘同上○本草

一名禹餘糧同上一名薯蕷吳普綱目作禹韭一名忍冬同上○本草

一名忍陵同上一名不死藥同上○藥本一名

僕壘同上一名隨脂同上一名階前草本草綱目作草本一名

繡墩草重修靖江縣志一名珍珠蘭通雅

## 麥門冬

麥門冬、一名虧冬、一名忍冬、一名忍陵、一名禹韭、齊名愛韭、秦名烏韭、楚名馬韭、越名羊韭、一名禹餘糧、一名階前草、一名不死草、一名僕壘、一名隨脂、所在有之、大小三四種、功用相似、其葉青大者如鹿葱、小者如韭、浙中者良多縱紋且堅韌長及尺餘、四季不凋、根黃白色有鬚在根如連珠、四月開淡紅花如紅蓼實圓碧如珠、吳地者勝明王鑑臣二如亭羣芳譜、種植四月初採根于黑壤肥沙地栽之、每年六月九

月十一月三次上糞及耘灌夏至前一日取根洗曬收乏同上

麥門冬生函谷川谷及堤坂肥土石間久廢處今所在有之葉青似莎草長及尺餘四季不凋根黃白色有鬚根作連珠形似穢麥顆故名麥門冬四月開淡紅花如紅蓼花實碧而圓如珠江南出者葉大者苗如鹿葱小者如韭太小有三四種功用相似本草圖經麥門冬古人惟用野生者後生所用多是種蒔而成其法四月初採根於黑壤肥沙地栽之每年六月九

月十一月三次上糞及芸灌夏至前一日取根洗曬收之其子亦可種但成遲爾浙中來者甚良其葉似韭而多縱文且堅韌爲異明李東壁本草綱目

麥門冬爾雅翼曰葉如韭四季不彫根有鬚作連珠形似穢麥本草謂冬服輕身不老不饑一名禹餘糧

汀州府誌

繡墩草叢生如坐墩根卽爲木門冬重修靖江縣志

麥冬曰珍珠蘭清方以智通雅

麥門冬一名階前草一名羊韭葉如韭又如莎草四

本草類纂

卷五十一

花屬 麥門冬

三

時不萎，根黃白色，似麥而有鬚，花如紅蓼，實碧圓如珠。四月初取根，栽肥地，每年六月九月十一月三次上糞，芸鋤，夏至前採收。清石巖逸叟增定致富奇書

秀墩草葉類而差短，叢密如墩，之石窟可以代繩。

清沈賦名花譜

謹按秀當作繩，云葉類而差短者，名花譜載書帶草，曰葉似薤，四時青翠，言其葉類書帶草也。

### 珍珠蘭

一名賽蘭

羣芳譜

一名碎蘭

致富全書

一名賽蘭香

楊升菴文集 一名伊蘭

同上

一名翠蘭

漳州府志

一名碎

泉州府志

一名細蘭

同上

一名魚子蘭

物理小識

一名真珠蘭

增定致富奇書

一名金粟蘭

同上

## 珍珠蘭

賽蘭蔓生

明王蓋臣二  
如亭羣芳譜

伊蘭出蜀中名賽蘭香樹如茉莉花小如金粟香特  
馥烈戴之香聞一步經日不散

上同

凡蘭皆草非木獨珍珠蘭不草不木茉莉其枝葉而  
黍米珠其花細時卽爲蕊巨時卽爲開一名賽蘭或  
名碎蘭幽芳酷似油然襲人殆楚畹之別宗也

明周文華致富全書

素馨出閩廣者不甚香亦間攜至吾地白者香勝於

茉莉卽彼中亦未之見閩中又有樹蘭賽蘭二種蘭一名珍珠蘭卽廣人以爲蘭香者亦曾移植吾地多不能生明王敬美學圃

疏雜

江陽有花名賽蘭香不足於艷而有餘於香戴之  
經句猶馨意古者紉佩之用額浴之具必此物也  
西域有伊蘭以爲佛供卽此漢書所謂伊蘭之供也  
從而爲之賦伊蘭賦○明楊升菴文集

蜀中有花名賽蘭香花小如金粟特馥烈戴之鬢髮  
香聞十步經月不散曾少岷爲余言此花之香冠于

萬卉但名不佳余按佛經云天末香莫若牛頭旃檀  
天澤香莫若詹糖薰陸天華香莫若槧蒲伊蘭則伊  
蘭卽此花也西域以之供佛後漢書所謂伊蒲之供  
也蒲卽菖蒲花世不恒有貴其難得耳上同

西域以爲伊字最尊如中國天也蒲曰伊蒲蘭  
曰伊蘭皆加以尊稱上同

伊蘭卽中國賽蘭香也以其香無比故曰伊蘭上同  
伊蘭他無所見獨兩見於佛書一云譬如牛頭旃檀  
生伊蘭叢中未及長大在地下時芽莖枝葉如閻浮

提竹筍衆人不知言此山中純是伊蘭無旃檀而伊蘭臭若肥屍薰四十里若有食者發狂而死據此則伊蘭爲極臭惡之草又云天末香莫若牛頭旃檀天澤香莫若詹糖薰陸天華香莫若繫蒲伊蘭則伊蘭又似香草楊用修遽以蜀中賽蘭香當之恐亦未有據也明謝肇淛文海披沙

碎蘭色黃性喜清肥有香宜陰畏霜忌尿澆以冷茶葉能鮮秀夏旦藥圃同春

賽蘭一名翠蘭楊用修曰賽蘭香小如金粟特馥烈

戴之髮髻香聞十步佛經伊蘭卽此花也西方以之供佛漳州府志

賽蘭色黃蔓生四五月開香勝蘭花福州府志

賽蘭花黃色蔓生香勝蘭花三四月開香聞數里興化府志

碎米蘭枝披葉大花似碎米亦香俗呼細蘭泉州府志

賽蘭一名翠蘭楊用修曰賽蘭香小如金粟特馥烈戴之髮髻香聞十步佛經伊蘭卽此花也王敬美閩部疏曰賽蘭蔓生樹蘭木生其香皆與蘭埒汀州府志

謹按閩書無花也，二字。

賽蘭一名翠蘭。楊用修曰：賽蘭香小如金粟，特馥烈戴之，髮髻香聞十步。佛經伊蘭卽此花也。後漢書所謂伊蒲之供矣。學圃雜疏一名珍珠蘭。海澄縣志

魚子蘭木本也。長條細蕊如粟。小者曰賽蘭。香易入物，然有毒。清皖桐方氏物理小識

真珠蘭其花色紫，蓓蕾如珠，又名魚子蘭。宜溼喜陰，二月取出，五日一澆，別有一種名賽蘭者，佛家謂之。

伊蘭樹如茉莉，花如金粟。好事者易名金粟蘭。殆非蘭種，亦猶蠟梅之於梅花也。清石巖逸叟增定致富奇書

庶物類纂花屬卷之五十九目次

蜀葵 總

千葉白葵

千葉紅葵

千葉淺紅葵

千葉緋葵

千葉紫葵

鋸口葵

墨葵

居物類纂 卷五十九

單瓣葵

錦葵

白錢葵

紅錢葵

秋葵

天葵

蜀葵

一名荳

爾雅

一名戎葵

上同

一名吳葵

千金方

一名

一丈紅

藥圃

一名忠客

西溪同春

一名杖葵

叢話

一名

福州府志

俗名挨和異

## 蜀葵

朶、戎葵

爾雅○  
朶音肩

今蜀葵也似葵華如木槿華

晉郭璞  
爾雅註

朶一名戎葵郭云今蜀葵也似葵華如木槿華戎蜀益其所自也因以名之

宋邢昺  
爾雅疏  
鄭玄注

朶、戎葵音肩卽蜀葵也

宋鄭玄注

葵陽草也一名蜀葵一名吳葵一名露葵一名戎葵一名滑菜一名衛足一名丁丈紅處處有之本豐而耐旱味甘而無毒可備蔬茹可防荒儉可療疾病潤

燥利竊服丹石人最宜生郊野地不問肥瘠種類甚多宿根自生亦可子種天有十日葵與終始故葵從癸能自衛其足又名衛足葉微大花如木槿而大肥地勤灌可變至五六十種色有深紅淺紅紫白墨紫淡淺桃紅茄紫藍數色形有千瓣五心重臺重葉單葉翦絨鉗口細瓣圓瓣重瓣數種昔人謂其疎莖密葉翠萼艷花金粉檀心可謂善狀此花已五月繁華莫過於此庭中籬下無所不宜莖有紫白二種白者爲勝明王蓋臣二如亭羣芳譜

種植實大如指頂皮薄而扁子如蕪荑仁輕虛易種收子以多爲貴八九月間鉗地下種冬有雪輒櫛之勿令飛去使地保澤無蟲災至春初刪其細小餘留在地頻澆水勿缺肥當有變異色者發生滿庭花開最久至七月中尚蕃大風雨後卽宜扶起壅根少遲則其頭便曲不堪觀矣尋千葉者四五種牆籬向陽處間色種之幹長而直花艷而久勝種畧粟十倍一法陳葵子微炒令爆咤撒熟地遍踢之朝種暮生遲不過經宿同上

葵花三種、一曰蜀葵、有紅白紫墨淺深數色、白者微  
香、八月下種、十月移栽、明年四月始花、當年撒者無  
花土肥、則單葉成千葉爾、雅翼云、肴、戎葵、郭氏曰、今  
蜀葵也、似葵花如木槿然、今蜀葵非一種、有深紅淺  
紅、有紫有白、莖皆相似、其開自本以漸至末、盛夏次  
第開敷、光彩可觀、凡草木從戎者、本皆自遠國來、古  
人謹而志之、今戎葵一名蜀葵、則自蜀中來也、酉陽  
雜俎云、蜀葵可緝以爲布、枯時燒作灰、藏火、火久不  
滅、農桑撮要云、俟花開盡帶青、取其楷勿令枯槁、水

中漚一二日、取皮作繩用、瑣碎錄云、蜀葵束作火把、  
猛雨不滅、遠行宜備、菽園雜記云、常見士人家葵  
軒卷中、記序題詠皆形狀、今蜀葵花、蓋不知傾陽衛  
足、自是冬葵可食者、詩七月烹葵及菽公儀休拔園  
葵是也、二曰錦葵花、小初夏盛開、莖長六七尺、花綴  
於枝、亭亭如旌幢、繁麗可愛、一名蔽、亦名茈、爾雅  
翼云、蔽、荆葵也、蓋戎葵之類比、戎葵花葉俱小、故謝  
氏曰、蔽、小草多花、又翹起也、花大如五銖錢、色粉紅  
有紫紋縷之、大抵似蘿蔔花、故陸氏云、似蕪菁花紫

綠色可食，微苦是也。亦其文采相錯，故陳風男子悅安比之曰：視爾如荅，言如葵花之小而可愛也。有三種紫白粉紅，今人家園圃中，唯見紫與粉紅，而白者絕少。三曰秋葵，本草衍義曰：黃葵花與蜀葵別種，非謂蜀葵中有黃色也。蓋黃葵葉尖狹多缺如龍爪，紫心六瓣，而側人謂之側金盞，與蜀葵不同。今作器皿，多倣之。二月下種，七月開花，九月結子，收花不犯手，浸菜油中貼湯泡，或收傳瘡瘍，輒效。又臨產取子四十九粒，研爛，溫水調服，爲催生勝藥。或擣爛塗產婦。

明周文華致富全書

右邊腳心胎衣卽下，須速洗去勿遲。  
周文華致富全書

凡葵有數種，有蜀葵爾雅所謂蒼古田切戎葵者是也。郭璞云：似葵華如槿華，戎蜀蓋其所自出，因以名之。花有五色，白者主療瘧及邪熱，陰乾末服之，午日取花，按手亦去瘧。黃者主瘡癰，乾末水調塗之，立愈。本草經圖

蜀葵處處人家植之，春初種子，冬月宿根亦自生苗，嫩時亦可茹食，葉似葵菜而大，亦似絲瓜葉，有岐叉，過小滿後長莖高五六尺，花似木槿而大，有深紅淺

紅紫黑白色，單葉千葉之異。昔人謂其疎莖密葉，翠萼艷花，金粉檀心者，頗善狀之。惟紅白二色入藥，其實大如指頭，皮薄而扁，內仁如馬兜鈴仁，及蕪荑仁，輕虛易種，其楷剥皮可繹布作繩。一種小者名錦葵，卽荆葵也。爾雅謂之荅。音喬其花大如五銖錢，粉紅色有紫縷文，掌禹錫補注本草謂此卽戎葵非矣。然功用亦相似。

明李東壁  
本草綱目

蘇氏曰：蜀葵生江南湖北園圃中，惟蜀產者更勝。葉似葵菜，又似絲瓜葉，有岐叉，過小滿，岐長莖高五六

尺，花似木槿而大，有深紅淺紅，紫黑白蜜合等色。又有單瓣千瓣之異。昔人謂其疎莖密葉，翠萼艷花，金粉檀心者，頗善狀之。惟紅白二色入藥，其實似葶苈而扁，內仁如馬兜鈴，輕虛易種，其皮可繹布作繩。又一種其花大如五銖錢，粉紅色有紫縷文，名曰錦葵，入藥功用與蜀葵更勝。五月人家供于庭前，俗云辟祟。

本草彙言  
明倪朱謨

蜀葵可以緝爲布，枯時燒作灰，藏火，久不滅。花有

重臺者。

唐段成式  
酉陽雜俎

蜀葵一名戎葵本中葵也花有重臺者紅紫蜜白

麗多殊色

宋王方慶  
林草木疏

蜀葵五色千葉者佳性亦能變黑者如墨藍者如靛大都鷺粟類也廣庭中籬落下無所不宜明王敬美  
學圃雜疏戎葵卽蜀葵出自西蜀其種類似不可曉地肥善灌花有五六十種奇態而色有紅紫白墨紫深淺桃紅茄紫雜色相間花形有千瓣有五心有重臺有翦絨有細瓣有鋸口有圓瓣有五瓣有重瓣種種莫可名狀但收子以多爲貴八九月間鋤地下之至春初刪

其細小茸雜者另種餘畱本地不可缺肥五月繁華莫過於此明高濂遵  
生八牋

五色戎葵此宜多種余家一畝中收取花朵一二百枝比類形色不同共有五十多種能作變態無定本也同上

成化甲午倭人入貢見欄前蜀葵花不識因問之題詩云花如木槿花相似葉比芙蓉葉一般五尺欄杆遮不盡尚留一半與人看外國亦有此能詩者明楊西穆

野雜記

天順三年，本州儒學西齋號房多種葵。是年葵先兩花其萼相竝，故庠生梁鏞有朝陽齊綻兩葵花秋闈雙兆之句。有識者試其驗否，除去前花能再竝，開始爲信。然後果開二花，色愈奇麗。是科梁鏞劉魁果竝舉鄉薦，又同登成化二年進士第。鄉人異之，以爲瑞。

云見高唐州志。○明慎

懋官華夷花木續考

蜀葵其色有五，俗名一丈紅，喜腴無香。夏旦藥圃同春格物叢話：葵花之種不一，黃如木槿、檀心與姚黃，或白或紅或紫黃色，葉相類者名蜀葵。花之小者名錦

葵，又名戎葵，俗號曰一丈紅。明王仲遵  
花史左編蜀葵，又名戎葵，出自西蜀，其種類似不可曉。總要地肥善灌，花有五六十種，奇態而色有紅紫白墨紫深淺桃紅、茄紫雜色相間。花形有千瓣、有五心、有重臺、有翦絨、有細辦、有鋸口、有圓辦、有五瓣、有重瓣，種種莫可名狀。同上

蜀葵收子以多爲貴，八九月開鋤地下之，至春初刪其細小芽者，另種餘畱本地，不可缺肥。五月繁華，莫過於此。叢生滿庭，花開最久，至七月中旬尚蕃。同上

蜀葵花其花可收乾入香炭塹內引火耐燒葉可收染紙色取爲葵箋是也同上

戎葵鳳仙花芙蓉花凡柔枝花已上皆滚湯貯瓶挿下塞口則不憔悴可觀數日同上

宋南渡後端午日以大金瓶遍挿葵花石榴梔子環繞殿閣同上

明成化甲午倭人入貢見蜀葵花不識因問國人給之曰此一丈紅也其人以紙狀其花題詩曰花于木槿花相似葉與芙蓉葉一般五尺闌杆遮不住特留

一半與人看

胡越丁家之景但非倭人口角○同上

占城使人入貢詩其初發云行盡河橋柳色邊片帆高掛遠朝天未行先識歸心早應是燕山有杜鵑其揚州對客云三月維陽富風景暫留佳客與同牀黃昏二十四橋月白髮三千餘丈霜玉句詩聞賢太守紅蓮書寄好文章欲尋何遜舊東閣落盡梅花空斷腸其江樓畱別云青嶂俯樓樓俯渡遠人送客此經過西風楊子江邊柳落葉不如愁思多又嘗寓蘇之天王堂問葵花何名人紹之以一丈紅花卽題云花

于木槿渾相似葉比芙蓉只一般五尺欄杆遮不盡獨留一半與人看

上同

謹按一丈紅花詩作或爲吾國人或爲占城使人其不同如此

蜀葵爾雅云朞戎葵釋曰卽今蜀葵亦名戎葵蓋戎蜀所自出因以名之花有紅白紫淡紅數色小花者名錦葵又有一種葉尖狹多刻缺花淺黃心下有紫

檀色名黃蜀葵

八閩通志

蜀葵出戎蜀爾雅所謂朞戎葵

福州府志

葵花有白黃紫數色大者名杖葵上同小者名錦葵  
蜀葵有淡淺紅黃白諸色其開花自本以漸至末顏廷之葵贊渝豔衆葩冠冕羣英類麻能直方葵不傾蓋爾雅所謂朞戎葵俗以爲衛足傾陽之葵誤矣又有一丈紅蓋葵之別種

汀州府誌

蜀葵葉五岐而尖長其花淡黃而五出心丹色開必向日

泉州府志

蜀葵爾雅曰朞戎葵今蜀葵也如木槿花晉傳玄序曰其苗似瓜匏既大而結鮮紫色耀日一種黃者尤

佳江陰  
縣志

蜀葵種各異、有五色、又小者名錦葵。松江府志  
蜀葵花有深淺紅黃白諸色、其開花自本以漸至末、  
蓋爾雅所謂朞戎葵、郭璞曰今蜀葵花似木槿俗以  
爲衛足傾陽之葵誤矣、又有下丈紅、蓋葵之別種。澄海

葵單葉千葉五色各備、花小者曰錦葵。重修靖江縣志  
蜀葵有紅白紫墨粉紅數種、以單葉者爲下。萬曆杭州府志  
葵一丈紅。福寧州志

蜀葵有紅紫粉紅黃單葉千葉之異。常熟縣志  
葵有單瓣千葉之別、色有深紅淺紅紫白種種奇異、  
紫黑者名墨葵、最貴栽培得法者花滿似小牡丹。嘉興縣志

蜀葵花似木槿而大、八月下種、十月移栽、明年四月  
始花、有深紅淺紅、有紫有白、若挿瓶中以紙塞口、則  
不憔悴、秋葵與蜀葵別種、葉尖多缺如龍爪、花審色  
紫心、五瓣而側朝開、午收暮落、結角六稜有毛子、如  
蕓芥子、難產催生之聖藥、錦葵卽荆葵也、稍矮而叢

生花大如五銖錢止有粉間淡紅一色一種向日葵  
花大如碗其心向陽故名又下種北蜀葵一名山芥  
卽芑也春間移植清石巖逸叟增定致富奇書

葵花又名戎葵出自西蜀有五六十種色有紅紫白  
黑淡淺桃紅茄紫襍色相間花有千瓣五心重臺翦  
絨鋸口圓瓣五瓣重瓣種種奇態不可名狀五月繁  
華莫過於此其花可收乾入香炭暫內引火耐久葉  
可染紙名曰葵箋清沈賦名花譜

種法八九月鋤地下子至春初刪其細小者不可缺

肥同上  
蜀葵陽艸也一名戎葵一名衛足葵言其傾葉向日  
不令照其根也來自西蜀今皆有之葉似桐大而尖  
花似木槿而大從根至頂次第開出單瓣者多若干  
葉五心重臺翦絨鋸口者雖有而難得若栽於向陽  
肥地不時澆灌則花生奇態而色有大紅粉紅深紫  
淺紫純白墨色之異好事者多雜種於園林開如繡  
錦奪目八月下旬種十月移栽宿根亦發嫩苗可食當  
年下子者無花其楷渢水中一二日取皮作線可以

爲布枯梗燒作灰藏火耐久不滅

清陳淏子  
秘傳花鏡

花之易栽易盛而又能變化不窮者止有一葵是事半于罂粟而數倍其功者也但葉之肥大可憎更甚于蕙俗云牡丹雖好綠葉扶持人謂樹之難好者在于花而不知難者反易古今來不乏明君所不可必得者忠良之佐耳

清李漁閒  
情偶奇

千葉白葵

千葉白葵

蜀葵有紅白紫墨淺深數色白者微香明周文華致富全書

千葉紅葵

千葉紅葵

蜀葵花似木槿而大，有深紅淺紅、紫黑白色，單葉千

葉之異

明李東壁  
本草綱目

居小類集 卷五十九

千葉淺紅葵

物類集

卷五十九

花屬

千葉淺紅葵

一

花屬

千葉淺紅葵

二

千葉淺紅葵

葵色有深紅淺紅紫白墨紫深淺桃紅茄紫藍數色  
形有千瓣五心重臺重葉單葉剪絨鉅口細瓣圓瓣

重瓣數種

明王蓋臣二  
如亭羣芳譜

周易類集

卷五十九

千葉緋葵

物類

卷五十九

花屬

千葉緋葵

千葉緋葵

千葉緋葵

宋郵江周氏  
洛陽花木記

唐物類集

卷五十九

唐物類集

卷五十九

千葉紫葵

千葉紫葵

千葉紫葵  
宋 鄭江 周氏  
洛陽花木記

居物類纂

卷五十九

墨葵

居物類纂

卷五十九

花屬 墨葵

一

志縣

墨葵

蜀葵五色千葉者佳性亦能變黑者如墨藍者如靛大都鶯粟類也廣庭中籬落無所不宜明王敬美學圃雜疏葵有單瓣千葉之別色有深紅淺紅紫白種種奇異紫黑者名墨葵最貴栽培得法者花滿似小牡丹嘉興

鋸口葵

一名翦稜蜀葵

洛陽花  
木記

## 鋸口葵

葵色有淡紅淺紅、紫白墨紫、深淺桃紅、茄紫藍數色。  
形有千瓣、五心重臺、重葉單葉、翦絨鉗口、細瓣圓瓣。

重瓣數種明王蓋臣二如亭羣芳譜  
謹按鉗當作鋸。

翦稜蜀葵宋蘇江周氏記  
洛陽花木記

單瓣葵

單瓣葵

葵有單瓣千葉之別色有深紅淺紅紫白

嘉興縣志

錦葵

一名荳

雅爾

一名蛇歎

同上

一名荆葵

爾雅

一名

茈

毛詩傳

一名戎葵

嘉祐補註

一名旗節花

本草益部

一名旌

方物畧記

一名錢葵

遵生八牋

一名錦茄花

上同

一名旌

羣芳譜

一名錦蜀葵

廣要陸疏

## 錦葵

芨、蚍、瓠

爾雅○芨音翹○蚍音毗瓠音浮

今荆葵也似葵紫色謝氏云小草多華少葉葉又翹

起、晉郭璞爾雅註

舍人云芨一名蚍瓠郭云今荆葵也似葵紫色謝氏

云小草多華少葉葉又翹起詩陳風云視爾如芨毛傳云芘芣也陸璣云芘芣一名荆葵似蕪菁紫綠色

可食微苦是也

宋邢昺爾雅疏

蜀葵也芨、蚍、瓠音翹毗、浮

宋鄭夾漈爾雅註

錦葵一名荍，一名花朶。叢低葉微厚，花小如錢，文彩可觀。又名錢葵。色深紅淺紅淡紫，皆單葉亦耐久。詩視爾如荍。註：荍，蚍朶也。卽此種同。蜀葵一種戎葵奇態百出。

明王蓋臣二如亭羣芳譜

旌節花高四五尺，花小類茄花，俗譌爲錦茄兒花。節對生，紅紫如錦。

上同

錦葵花小初夏盛開，莖長六七尺，花綴於枝，亭亭如旌幢，繁麗可愛。一名荍，亦名花朶。爾雅翼云：荍，荆葵也。蓋戎葵之類。比戎葵花葉俱小，故謝氏曰：荍，小草。

多花，又翹起也。花大如五銖錢，色粉紅有紫紋縷之，大抵似蘿蔔花。故陸氏云：似蕪菁花，紫綠色可食。微苦是也。亦其文采相錯，故陳風男子悅女比之曰：視爾如荍。言如葵花之小而可愛也。有三種：紫白粉紅。今人家園圃中，唯見紫與粉紅，而白者絕少。

明周文華致富

全書  
蜀葵小花者，名錦葵。一名戎葵。功用更強。嘉祐補註本草  
凡葵有數種，小花者，名錦葵。功用更強。本草圖經  
蜀葵一種，小者，名錦葵。卽荆葵也。爾雅謂之荍。音其

花大如五銖錢，粉紅色，有紫縷文。掌禹錫補注本草謂此卽戎葵，非矣。然功用亦相似。

明李東壁本草綱目

王侍中處回嘗於私第延接布素之士，蓋亦尋藥術神仙之道。有道士龐眉太鼻，布衣繚縷。仙童從後，造謁王公於竹葉上。大書道士王桃枝奉謁。王公從容置酒，觀其言論，清風颯然，甚仰之。因曰：「弟子有志清間，思於青城山下致小道院居住。」道士曰：「未也。偶喚山童取劔，細點階前土尺餘，囊中取花子種之，全以盆覆土，遂巡盆花已生矣。漸隨日長，頗長五尺。以

來層層有花，爛然可愛。」道士曰：「聊以寓目，適性。此仙家旌節花也。」王公命食，不食，唯飲數杯而退。曰：「珍重。善爲保愛。旋出門失所之後，王公果除二節鎮方致仕。自後往往有人收得其花種。

宋景煥野人閒話

旗節花修修華碧，皆層層而擢。正類使所持節，然故以名。見益州圖經。擢條亭亭，層層紫丹狀。若使節方圖實刊。

宋祁益部方物畧記

太平廣記引黎州圖經云：黎州漢源縣琉璃城有旌節花，去地二三尺，行行皆如旌節。蘇子由詩：綠竹琅

玕色紅葵旌節花借喻葵形非謂旌節卽葵也

明楊升菴

錢葵卽錦茄花花葉如葵稍矮而叢生花大如錢止

有粉間深紅一色開亦耐久

明高濂遵生八歲

葵花花之小者名錦葵

明王仲遵

花史左編

慎懋官華

錢葵叢低又一種千葉可愛

明高濂遵生八歲

夷花木考

爾雅云荳蝶郭註云今荆葵也似葵紫色謝氏云小草多華少葉葉亦翹起舍人云荳一名蝶蝶陳風云視爾如荳毛傳云茈芻也鄭註云荳蜀葵也爾雅

翼荳荆葵也蓋戎葵之類比戎葵花葉俱小故謝氏曰荳小草多花小葉葉又翹起也花似五銖錢大色粉紅有紫紋縷之一名錦葵大抵似蘆菔華故陸氏云似蕪菁花紫綠色可食微苦是也亦其文采相錯故陳風男子悅女比之曰視爾如荳言如戎葵之花小而可愛也此與戎葵異類故釋草云荳戎葵郭氏曰今蜀葵也似葵華如木槿又曰荳茈芻郭氏曰今荆葵也似葵紫色則戎葵與蜀葵荳與荆葵其所來各不同本草蜀葵中云小花者名錦葵一名戎葵功

用更強，則是以此雜之蜀葵中，而又反得戎葵之名矣。崔豹古今註又云：荆葵一名戎葵，一名茈蒿，似木槿而光色奪目，有紅有紫，有青有白，有黃莖葉不殊，但色有異耳。一曰蜀葵，其說戎葵蜀葵之狀可也。混荆葵茈蒿之名于內者非也。然今人亦通呼此爲錦蜀葵，則從其類比附之爾。又今有一種葉纖長而多缺如鋸花，如錦葵而極紅，每以夜半開至午則連房脫落，謂之川蜀葵。亦云朝開暮落花。濮氏曰：茈蒿紫荆春時開花，葉未生，花紫色，自根及幹而上，連接甚。

密有類蟻窠，故爾雅名蚍，俗曰火蟻。明毛晉毛詩陸疏廣要  
按：蔽爲荆葵，蒼爲蜀葵。郭景純別之甚明。鄭漁仲註蔽亦曰蜀葵，誤矣。濮氏直以爲紫荆，不知何見。同上  
格物叢話：葵之種類頗繁，取其可食，名葵菜。取其葉名蒲葵，取其花可翫，名蜀葵。花有五色，惟黃者葉尖小，而多缺刻，夏末開花，又有花小葉圓，名錦葵，一名戎葵。又有一種叢低者，名錢葵。明彭大翼張幼學山堂肆考  
蜀葵小花者，名錦葵。八閩通志

葵花小者名錦葵。

福州府志

通志

葵物類纂

卷五十九

花屬 錦葵

六

謹按松江府志同

錦葵花小而紫

萬曆杭  
州府志

荆葵陳風所謂祝爾如荍者也毛傳名茈茨謝氏曰荍小草多葉葉又翹起花似五銖錢大色粉紅有紫文縷之一名錦葵

漳州府志

蜀葵花小而微紫者名錦葵

常熟縣志

蜀葵又有小者曰錦葵俱有五色

紹興府志

錦葵卽荍葵也稍矮而叢生花大如五銖錢止有粉

間淡紅一色

清石巖逸叟增定致富奇書

錦葵一名錢葵一名荍叢生葉如葵而莖長六七尺花綴於枝單瓣小如錢色粉紅上有紫縷紋開最繁而久綠肥紅瘦之際不可無此麗質點染也下子分裁俱與葵同

清陳淏子秘傳花鏡

荍或疑爾雅說文皆訓蚍蜉字何以从虫丁說紫荆花生幹上連接甚密如蟻窠故名俗一名火蟻猶蕡蕡之名豕首緩艸之名旨鵠借也非實也从詩傳茈

茈爲正

清廖文英正字通

本草綱目

卷之五十一

花屬 白錢葵

一

白錢葵

居士  
小  
大  
類  
目  
卷之五十一  
五  
九

白錢葵

錦葵有三種、紫白粉紅。今人家園圃中、唯見紫與粉紅而白者絕少。明周文華致富全書

紅錢葵

周易  
卷之五十九  
花屬  
紅錢葵

紅錢葵

錦葵色深紅、淺紅、淡紫皆單葉亦耐久明王蓋臣二如亭羣芳譜

周易  
卷之九  
花五十九

秋葵

一名黃蜀葵嘉祐補註本草一名側金盞羣芳譜一名

黃羅傘

松江府志

俗名禿魯魯山城州

## 秋葵

秋葵、一名側金盞、與蜀葵、另一種、高六七尺、黃花綠葉、檀蒂白心、葉如芙蓉、有五尖如人爪形、狹而多缺、六月放花、大如碗、淡黃色、六瓣、而側、雅淡堪觀、朝開午收、花落卽結角、大如拇指、長二寸許、六稜有毛、老則黑、其稜自綻、內六房子、纍纍在房內、與葵相似、故名、秋葵朝夕傾陽、此葵是也、秋盡、收子、二月種、以手高撒梗、亦長大、子宜浸油治杖瘡、又作催生妙劑、王明

蓋臣二如  
亭羣芳譜

謹按桂海虞衡志云側金盞花如小黃葵葉似槿歲暮開與梅同時此與秋葵相似而同名異種秋葵本草衍義曰黃葵花與蜀葵別種非謂蜀葵中有黃色也蓋黃葵葉尖狹多缺如龍爪紫心六瓣而側人謂之側金盞與蜀葵不同今作器皿多倣之二月下種七月開花九月結子收花不犯手浸菜油中貼湯泡或收傳瘡瘍輒效又臨產取子四十九粒研爛溫水調服爲催生勝藥或擣爛塗產婦右邊腳心胎衣卽下須速洗去勿遲明周文華致富全書

黃蜀葵春生苗葉與蜀葵頗相似葉尖狹多刻缺夏

末開花淺黃色

六七月採之陰乾用

重修政和經史證類備用本草

黃蜀葵花與蜀葵別種非爲蜀葵中黃者也葉心下有紫檀色摘之則爲數處就日乾之不爾卽浥爛瘡家爲要藥子臨產時取四十九粒研爛用溫水調服

良產宋寇宗奭本草衍義

黃葵二月下種或宿子在土自生至夏始長葉大如蓖麻葉深綠色開岐丫有五尖如人爪形旁有小尖六月開花大如盤鶯黃色紫心六瓣而側一旦開午收

暮落人亦呼爲側金盞花隨卽結角大如拇指長二寸許本大末尖六稜有毛老則黑色其稜自綻內有六房如芝麻房其子纍纍在房內狀如蕓麻子色黑

其莖長者六七尺剝皮可作繩索明李東壁本草綱目

秋葵花色蜜心紫秋花朝暮傾陽此葵是也秋盡收子移種明高濂遵生八牋

秋葵一名黃蜀葵說文黃葵常傾葉向日不令照其根虧繁韓渥各有賦花將落以筋取浸菜油內治湯火瘡甚妙明王思義三才圖會

秋葵秋盡收子春下種色蜜心紫秋花朝暮傾陽此葵是也明王仲遵花史左編

秋葵花用香油浸之可搽湯炮火燒立効同上

蜀葵又有一種葉尖狹多刻缺花淺黃心下有紫檀色名黃蜀葵八閩通志

黃蜀葵春生苗葉與蜀葵頗相似葉尖狹多刻缺夏未開花淺黃色邵武府志

秋葵俗名黃蜀葵重修鎮江府志

黃葵俗呼黃羅傘松江府志

秋葵與蜀葵別種葉尖多缺如龍爪花蜜色紫心五  
瓣而側朝開午收暮落結角六稜有毛子如荀芥子  
難產催生之聖藥

清石巖逸叟增定致富奇書

秋葵一名黃蜀葵俗呼側金盞花似葵而非葵葉岐  
出有五尖缺如龍爪秋月開花色淡黃如蜜心深紫  
六瓣側開淡雅堪觀朝開暮落結角如大拇指而尖  
長內有六稜子極繁冬收春種以手高撒則梗亦長  
大

清陳淏子  
大秘傳花鏡

天葵

一名蒂

爾雅

一名莧葵

上同

一名野西瓜

農政全書一

名禿漢頭

同上

俗名巴莫石異促胡山城

## 天葵

希、菟葵

爾雅○  
希音希

頗似葵而小葉狀如藜有毛

沟啖之滑

晉郭璞  
爾雅註

蒂一名菟葵郭云頗似葵小葉狀如藜有毛沟啖之

滑者沟煮也案本草唐本註云苗如石龍芮葉光澤

花白似梅

莖紫色煮汁極滑堪啖

爾雅釋草宋邢昺  
疏

所在平澤皆有田間人多識之是也

宋邢昺  
疏

謹按唐本云苗如石龍芮葉光澤花白似梅莖紫  
色此與郭氏所註者別類

見本草郭云似葵而小葉狀如藜有毛沟啖之滑

希爾雅註

宋鄭夾漈

菟葵似葵而葉小狀若藜有毛沟而啖之甚滑爾雅所謂希菟葵是也亦名天葵葉主淋瀝熱結皆有功效故并載之

本草圖經

菟葵綠葉如黃蜀葵花似拒霜甚雅形如至小者初開單葉蜀葵有檀心色如牡丹姚黃蕊則蜀葵也唐劉夢得還京云唯菟葵燕麥動搖春風者是也

宋寇宗奭

本草衍義

菟葵似葵而葉小狀如藜劉禹錫詩叙所云菟葵燕麥動搖春風者卽此

明王蓋臣二如亭羣芳譜

野西瓜苗俗名禿漢頭生田野中苗高一尺許葉似家西瓜葉而小頗硬葉間生蒂開五瓣銀褐花紫心黃蕊花罷作蒴蒴內結實如棟子大苗葉味微苦救飢採嫩苗葉熑熟水浸去邪味淘過油鹽調食

明徐光啓

農政全書

治病今人傳說採苗擣傳瘡腫拔毒同上

菟葵一名天葵多生於下澤苗如石龍芮而葉綠如

黃葵花似拒霜白而雅其形至小如初開單葉蜀葵有檀心色如牡丹之姚黃可愛人多採莖葉灼之可食清陳淏子

秘傳花鏡



